

nullamque dubitationem reliquit catalogus auditorum, qui nostram in hanc seriem concesserunt; collatum enim Batavo-Lugdunensi ita diversum ab eo, dissimilemque comperi, ut vix editorum paucos uterque contineret, quibus optimo consilio Muratorius locum dederat, cum rarissimi plerique sint, & ad continuandam temporum successionem necessarii; centum verò & supra MSS. Codicum numerum in nostro admiratus, ingenti animi gaudio ad operam illico festinabam. Hinc factum est ut velut in re præsenti multa, quæ ad ordinem editionis pertinent, ab ipso Muratorio percontarer, blandiente spe, labori socios minimè defuturos; cumque nil supra castigationem, & exemplarium fidem sibi cordi futurum respondisset, eam novi maximam difficultatem, ut si quandoque mancus, dubius, aut minus emendatus librarii locus occurreret, ni præsto essent veteres autographi codices, operam omnem & diligentiam typographi perdidissent; at ille suam in Estensi Bibliotheca operam pollicitus, emendatæ lectionis eorum, quos illic transcribendos curaverat, vadim se post novam collationem præbebat, partem verò maximam in Ambrosiana servatam alterius diligentie commendandam asserebat, ne sincræ fidei laus nostro huic operi excideret.

Quidni ego, Mediolani editionem hanc instruere modis omnibus tentem, fretus opportunitate celebratissimæ illius Bibliothecæ, ac doctissimorum hominum frequentia, quos urbs ampli-